

白
華
後
稿

白華後稿卷之二十七

南滙吳省欽沖之簪

敬樞星宰
校字
敬沐起元

古今體詩一

昭陽單閼

少林同年載書圖

幾樹桃花幾粒松
書牀連屋號書慵
小奚纔卸囊詩錦
壓到牙籤腕易鬆

第三廳畔燭雙難
江左清華祖德傳
縱使漢南行作吏
半裝縹素半丹鉛

一領青衫屢借才
者邊載去那邊回
版輿矐首拖沙永

待課童孫徧讀來

平生雅媿七車張數卷隨身歷碌忙
羨爾一編長挂眼要同璧社鬪珠光

正月除日餘庵少林東東枉集虛舟得池字韻
旬休乘晦序夕詠數上靈池團坐耽情款清言耐渴飢
燈輝高替月舟影靜含漪守歲兼辭歲前塵彼一時

二月十四日雪

春雨夾春雪雪麓雨倍騎聽來喧作陣飄去漲添潮到
地花相失因風絮欲招南園多士女撲蝶誤明朝

研齋觀察峴首曉行圖次韻

紅衣騎馬避江程影趁桃林一抹輕風候溼于烟未掃
曙光涼似月初生羊公雖去蒼碑翳山簡能游綠瑣盈
何似荆南老觀察好山迎送玉鞭行

寄題天門文學泉次王元之韻

在山清擬入山深寥落高鴻響遠音莫遣茶檣素遣像
一泓長見隱君心

四月五日同王青聯周懷昉送春劉氏園亭

蠟屐徑乘春盡日如登山送故人歸鳴鳩乳燕紛相喜
白筍朱櫻實不違寧地簾垂清晝迴對江樓染綠痕肥
從游二客能談往回首燒燈景物非

題黃鶴山亭圖送荀陂方伯之晉

茗茗黃鶴山有亭翼山半二水激迴磯烟篠冒蒼蒨清
陰映柏臺官暇劇談讌憲臣本儒臣金闥冠羣彥一從
擁節行萬闕惠風扇澤靖荏蒲驚門達肝嘉便風霜回
太和迢然快陵緬道齊著郊圻富庶倚屏翰一曲溯彼
汾山鎮霍山奠其穀黍稷宜上賦免漕轉加以鴻鹵區
鹽池勝熬煎載歌蟋蟀詩唐俗表勤儉吾知開濟策足
使部民忭一迂一扳轅傾城悵芳餞髯丞雅好事點染
素礬絹有檐有闥籒有岨有瀨澗鶴去手可招亭存跡
斯戀難老泉獨斟長生蘋試薦回睇赤闌湖柳色渺沙

岸因風卜政成晉楚雜謠諺

徐敏庵

荀龍

刺史夢入山與三開士談禪覺後

惟憶引佛經過去心不可得現在心不可得
未來心不可得三語爲圖與詩卽次元韻

至人觀虛空無夢更無想到夢斯到在在落塵網塵
中三導師住立藉芳莽略談有漏因鋒機競雄長縣縣
青松期浩浩白雲賞孰埽現在因聞者失若爽陶公結
慧遠白傳得晦朗愛山復愛僧此性豈由強我欲擊其
蒙禪理隔一掌不爲擎拳喝不事袒膜獎無夢無覺間
一切謝忻快嗒然師坐忘大圓光十丈

次韻題王蓬心江樓餞別圖送吉人觀察之鎮

簞 圖爲戊戌送吉人入覲作

林林袂影點斜曛把盞留詩誼並殷兩度朝 天經七

載一湖界地隔重雲燒畝久識蠻烟靖立柱 謂馬氏溪州銅柱

空占霸氣分我是武溪舊行役登高薄送此同醺

愛寫溪山不寫真分明王宰筆通神披來舊蹟憑新雨

遷到監司作遠人話聚茶瓜千里月政流蘭芷一江春

他時若訪題襟侶指點巢松老蹙鱗

次韻荅約軒宮贊見懷

蒼頭贊善 今作蒼頭贊善來白句 出身同夜雨高樓極望中賦別

暗驚春草碧謝 恩遙記苑花紅貞元朝士飛沈異
兜率仙人笑涕空願趁羊求三益友一鞭歸路躡霜虹

附

丁丑江南 召試官中書者七人二匏勇庭

皆化去惟予與述庵副憲筠心白華學士習
庵中允在耳述庵又陳臬江右白華視學入
楚秋燈獨坐以東坡歲寒猶喜五人同句發
端賦寄并邀筠心習庵同作 韋謙恒

歲寒猶喜五人同宦轍無端離別中
覽鏡自慙雙鬢白倚樓惟對一燈紅
星河耿耿秋生袂江漢茫茫水拍空
何日尊前懷抱盡劇談相與吐長虹

桂林陳孺人節行詩 爲興山令蕭某之外姑

父領方州夫作宰未三旬號未亡人艱難萬里經扶櫬
宛轉孤闈效請紉立子立孫宗竟普得封得表典常新
東牀求句情嗚咽八桂林邊此竹筠

祝澂齋水流雲在圖照

巖暉無定姿欹篠蔚晨靚幸生雲水鄉頗識雲水性雲
歸披作淚水止照爲鏡中有習靜人與道日涵泳掀髯
復抱膝身世兩無競觀化妙流行隨境足交誼既往與
未來何事起將迎風塵甘息機荏苒及知命油然趣適
同逝者悟難竟遙裔憺忘言秋衫碧初映

雲中山水圖爲研齋觀察作

研齋於庚子秋七月出應城一雨初霽新碧
在天忽雲間山翠如沐蓮塘柳渚滄波滌流
帆檣上下不絕人物皆隱隱可數僕御仰視
移時始滅旣自記其事復爲圖索題

老天開眼眼何在耶七修語頗傳誣樓臺宮闕幻占象
此理試闢天官書山川出雲本常事雲豈解作山川摹
乾闥婆城湧塵世每藉日氣通陽噓楚天嬋嬋降神女
變化寧復知其餘龍邱觀察唯且否曰空非空虛非虛
三十六天統于一惟玉霄府垂天樞記從郊郢入雲夢

崇朝雨霽秋方腴
褰帷四望渺澄廓
玳瑁碎點青珊瑚
如螺如黛亘一抹
依約員嶠連方壺
十洲左右富魚計
鴨闌蟹舍菱可租
仙家日月信清灑
始覺風俗如三吳
滄波沄沄皺輕縠
忽看百尺懸帆蒲
小如一刀大萬斛
洄溯游溯紛殊塗
孰穿桃源孰麻谷
丹綠晃漾金浮屠
千人咄怪萬人噴
華嚴世界移晨晡
我聞登萊窟龍蜃
陰晴合散成市墟
我鄉松江鬱春霧
樹木屋舍江心鋪
歐公夜泊江漢岸
井園貿易交喧呼
平明跡之了無跡
小說訝許參虞初
蒲騷亦在漢東境
驄馬一到鳴鞭欬
半空空色示現滅
優曇雖放纔須臾
異聞祕聽足千古

謂子不信觀斯圖卷圖默坐意恂悅眼福眼慧憐真吾

采菊東籬下得東字

栗里人如菊先秋種幾叢根隨籬下寄花向徑邊籬未
落餐須待當開采試同從衡循露枳爛漫趁畦松拂帽
簪應滿量衣禪最工香凝風候北精迓日華東蓮社前
游杳桑邨返照融南山長到眼把酒頌延洪

宿欒城竹軒中丞自京入滇於名紙錄示近作
欒城城北夜燈懸歸鎮歸朝袂忽聯敢信楚良收杞
梓喜聞驃樂入歌弦數盃細細循雙鬢一面匆匆隔五
年館吏不知談藝雅笑儂禿管寫紅箋

時岬少司成溪橋詩思卷

鳳城車馬喧侵夜，校天祿悠然靜者心。
俯仰憩詩屋，非無臨眺娛。爲有幽間躅，細柳亦以青。
芳草亦以綠，雜花滿疏畦。粲粲養春目，樂水本夙懷。
一昨東溪潒，東風駘蕩來。解使響琴筑，空明色相間。
妙緒手紛觸，一唱復一吟。浮塵淨如沐，側聞辟雍流。
涼鷺任飛宿，橋門集羣彥。經訓祖賈服，歲序緬迢迢。
華文信郁郁，何似啓子時。清音勝絲竹。

餘庵自鎮簞入都以馬見贈

十二天街十二閑，玉珂如雨點朝班。
飽卿雅媿無肥馬。

驂个疲羸日往還

手排五馬復青驄小蹶霜蹏氣向雄道是一鞭歸闕好
五花雲散五溪中

鳴騶雙引路紆徐一種光華揣弗如今日破除三品料
譬教官在未遷初

明知策騎似乘船服皂般勤拂繡韉拜得高情防轉贈
眉山李廌囊蕭然用李方叔下第坡公贈玉
鼻驛事是日禮闈榜發

堦上海裔淦玉繩覆校

白華後稿卷之二十八

南滙吳省欽冲之簪

敬樞星宰
敬沐起元
校字

古今體詩二

闕逢執徐

卓峯侍御視學廣東於署左淤池中出所謂九
曜石者池卽南漢仙湖與藥洲通而一石不
知何時落藩署卓峯自爲之記又爲礬陰洗
石圖題二十六韻

山嵒謂之峯義等孔之卓我友獨者流懷抱蘊雙珏海
南典禮區攬轡往提學欲尋九曜山何處露茫角夙聞

煉藥洲分司駐行帳官署無改遷湖心點斑駁石安湖
益靈湖縮石還確旋受焚蔓縈繼被塵沙撲萬竅雖玲
瓏一往錮昏濁匹如雙蛾眉無故累謠詠主人循覽來
暇與藕夫較導以畚鍤兼飲以剔爬數神瀆涌淫淋淩
骨挺蕭蕭又如蓬垢容一昔效前濯森然八丈夫獻媚
不自覺定揆英德奇豈類泗濱斲若從太湖購相距更
寥邈霸圖各一方那得通關樞卽令來自吳裁足抵艮
岳花田夢萋迷鸞道勢磽确何如茲石遭此後免蹇剝
安得韓幹馬緩向大藩擢換歸配九華壺中笑聲噪名
九實纔八母乃句徒琢留餘渺遺憾刮垢富真璞好配

紅豆翁記事筆同捉

天牧先生有
九曜齋筆記

七夕磬士少宗伯席上飲槎盃同習庵涵齋作
盃爲至正乙酉朱華玉造藏碧巢汪氏櫝記
甚詳攷高江邨購孫退谷所藏者亦乙酉造
而篆銘小異高引宋荔裳施愚山詩宋云背
鏤至正壬寅字施云猶存至正壬寅字是誤
以二槎爲一也江都馬氏小璫瓏山館所藏
見樊榭詩詩云手持支機石一片與是槎亦
合蓋碧山之槎之閒於世者及是而四焉居
易錄辨堯時貫月槎非張騫事似不足辨耳

盃不盃槎不槎槎杯兩字勒盃底中央四角文纏蝸維

朱華玉造茲器張銅黃錫名皆汗鳴瓜一翁露頂科髻

斜隨身雙膝雙臂叉手持片石問何用乃向織女機邊

差訓枯椿喁然腹空洞忽學車乘翹杈枒翁生不在武

皇代至正乙酉融銀華乞漿得酒應謠諺生世只合浮

春霞同年一生望最顯入北海座揚芬葩禾中朱竹李

秋錦賦長句江邨急購羣相誇壬寅後生又其一南施北

宋詞尤奢苑西居易著錄在考論惜未窮羅爬馬家山

館亦藏一邀樊榭鑒珍軒媧以公買盃先買櫝梧桐鄉

裏流傳賒始知碧山技入畫三昧要避吳仲盛子成一

生昭

家偶然游戲涉繙銀底事刻舟求劍如麻茶卽如朱云
傳世有雙鰲斯今鼎立寧非耶當時聲價壓唐平江謝唐俊
卿重踰一流來漢嘉舉橋吳市訪未得訪到菜廠醒土所居
欣搏沙深宵坐苦洗車雨母爲兒唼爲鯨呀飽卿笑擬
覓官醞遲中秋月盃同挈

七月八日劍亭涵齋招同梁鐵幢景穀江莊美
堂周駕堂集嘉樹書屋

處暑暑不收狂潦昨盈尺衝泥鑿兩輪何苦爲酒食生
平藜莧腸頗類瞿曇跡素心難重違二主羅五客列郡
吳會稽其一豫章籍團團集簪裾款款夾巷陌每月舉

一會毋會舉一席勿侈八簋陳卻準幾金直飴酸槩屏
除芳鮮特采擇有如賦禁體字字貴創獲同調七八賢
往往間離卽而我承乏來然諾免苛責人生哀樂多隨
事感今昔眼窺嘉樹圓身恍靈椿宅賴此真率緣消散
接巾烏口同河漢懸泪豈蟾蜍滴祇愁詩屢催能事受
敦迫叩天天若磨當頭片雲黑

重陽後一日梁副憲冲泉澹足齋看菊

九日迅已馳三徑荒久掩吾心與菊盟終被世塵染數
上錢買擔頭如食腹不嫌蠶長家餘杭六井水波瀾每
逢文酒場將菊配茶點爛然黃金英滿甌隨所飴朝來

折柬邀謂有隱君儼林立堂四隅二裡種鬪姿臉半移野
老籬半出寺僧居紫翠紛陸離白雲只守寒儉百盆復百
餅影向帽簷颺以彼淡泊期亦落繁華漸啞然指扁題
元理妙防檢自慙瓦礫材座首濫叨忝羣公雖盛年時
念歲荏苒思得縮地方口吸菊潭噓人生貴行樂且醉
酒痕灑重陽展始今逸興幸毋斲

九月十八日懷柔山上夕眺和韻

登山至竟勝登臺勗眼平摩夕照開野市亂隨青嶂去
寒漸遙擁白河來試圖三輔神京壯及展重陽
法駕迴短鬢蕭騷看健在黃花峪口倒千盃

爲研懷舍人題令祖垂書文梅花集句卷

吾鄉多竹更多梅繞屋清寒百十栽欲剝江爲香影句
雪花連掌打冰苔

美人高士語如林妙選前賢契素心留伴滬城張曼倩
上海諸生有梅朝朝滌筆點孤襟

平橋斷水木棉田曾訪遺居隔廿年楮散縑零摻尺卷
有孫抱研促塗鉛

桂堂戶部購其從祖一印翁畫山水

時桂堂家
人將至

隱居何所期期此數重屋屋中誰主賓危坐聳于鵲呼
童進茗甌倚檻恣遙矚佳山層復層在渚曲還曲風楊

映水苔一往關濃綠蔽以萬簷簷併力掃塵毒只愁雲
翳封無處訪幽躅迢迢黃浦南奕世太邱篤門餘江左
清派豈雲間俗一邱成畫癡尙與大癡酷偶然破天杼
信手景斯觸故應起遐心終且招近局借問千里尊奚
似一囊粟吾言癡點問大隱計頗足浮家歷覓濟拔宅
到童僕好付龍樹裝幸比蛾眉贖我晚不識翁權且臥
游續如上閱耕堂西疇事交歸

題陳文莊閱耕軒詩後

瑤溪溪水曲通潮曉度溪漁晚度樵獨有閱耕軒半畝
籠烟籠樹鎮南橋

白華集卷一
太學生徒業未荒章縫不省媚貂璫無端徧訴田園景
劫盡毗嵐見碩黃

前朝文獻跡飄零直道如公足典型苗豆木棉栽數頃
天留一鶴重華亭

手澤蒼涼錦暉沈積年四百鼎同欽慙卿慙長休騰笑
值得詩家一浩吟

爲沈維坤比部題令祖健庵司諭遺照

幽人守一經諸經義聯貫投老甘卑棲岌然功在泮地
探巖壑靈門聚生徒粲粲校官碑借作漢儒看性氣
周方巖神明亦悠渙蕭條環堵居暇與新水玩菡萏英

蚤敷藻落點交散翠竹青梧桐差足見標幹自歸道家
山旬甲幾更換有孫硯抱遺猶及奉緇幔詠德思載磨
覽輝感三歎是邦信清遠伊人望渺漫縱教金滿籩詎
抵研留案擁研戀南榮爐薰晝方半

儲生

嘉珩

家隨之安居鎮滄水經焉丁酉三月

生應拔貢試燕羣至其所爲雙桂堂者垣壁
楣棟皆滿十餘日始散生被舉其尊人改題
曰千燕堂予嘗錄生第一生投詩二百韻頃
至京言其事因成十六韻

門巷烏衣改功名紫領賒材良宜用楚梁轉恰臨滄穉

稭禾光偃招搖桂影斜在丁逢拔萃有子起銜華送喜
難徵誰醺恩或效蛇玉筐投嫵婉綵翦掠週遮引頻呢
喃應爭窠剝啄加盈千交土壘第一放冰衙誰帶芹泥
潤還沾杏雨佳風簾高撤幕水鑑寵拖縞候氣靈如此
名堂信是耶縱然磨妙選默爾動長嗟五鳳修難待三
鱣兆孰誇輶輶勤策蹇縑紙索塗鴉文擁昌黎集詩留
太祝家漢東隨國大掌故耀紛葩

德輶如毛得倫字

維德艱毛舉微芒孰比倫鉅應彌六幕瑣侍析千塵傳
質推元始披精返大醇緒聞涵縷縷奧義隱鱗鱗縱使

光占吉難期澤被純儀鴻達經綢補袞職嶙峋毫末原
無障雲霄定有真王雍輝振鷺講座重敷陳

題姜巢雲松鶴寄壽種石兄

我願身爲鶴巢君庭際松

竹垞句

天風颭謾謾老鬣蟠如

龍我願腹生松招君亭上鶴江影浩沄沄縞衣縹如削
具此壽者相蒼健無與儔娟娟花露面月月紅扶頭一
從海邑居故山別黃嶽四百幾甲子太古歲縣邈有陰
旣以和有秩旣以封雖無盈樽酒二物君當供當來何
不來 玉除宴千寥言等烏目山采芝大盈斗

興化趙九鼎寄杖圖

迢迢負米逐西東朝暮門閭倚望同莫訝一枝筇竹寥
扶來也好替兒童

此杖尊藏學士家皮蒼骨健鬬龍蛇平頭閃出斑鳩影
閱徧桑梅幾歲華

倩誰乞取倩誰攜遠道頻頻信使齋賺得發緘人笑口
光瑩全勝舊扶藜

裁縫鍼線寄年年寸草心情只自憐正值 盛朝排宴
廣壽藤筵賞數三千

題六根清淨圖送澹園歸西湖

京師萬人海君至燈信闌自言媿無狀鐫級當歸山大

府素傾愛謂才守可觀殷勤資假裝勸令瞻

天顏東市置襪被西市買馬鞍南市製褶袴北市具壺
簞四千八百里程日來長安仲春月初吉曉漏趨未殘
聖人宿齋殿待覲忘朝餐憶昔司大儀排日趨金鑾雖
非侍從榮忝列京朝官同官旣推轂同年還填環譬如
親兄弟文酒餘古歡徵名標 御屏奴僕光爛爛列戟
臨鳴茲豈意行路難有因脫袂覓章奏蒙飛彈不月遽
邏獲已墮鮎魚竿厥後歲辛卯祝 嘏開經壇聊致芹
曝忱交彈王禹冠蓬婆及滴博火檄催平番行軍一司
馬轉粟青雲端一躋守梓州萬死歸桃關東帶祠慰忠

過者皆辛酸時余視蜀學陳義著伐檀值君攝果州泥
飲金泉間搏像塗青紅覓句鏤琅玕最後復按梓一磴
琴泉攀能使粗陋姿化作靈秀寰所憐癰疥疾徧體周
鼎斑斑班左綿道送我還朝班踰年喜勿藥觸暑凌飛
翰 至尊鑒微勞訓辭惇且寬我亦旋使楚鄂渚風
烟漫期君此入峽黃鶴真翩翩別來五改歲飛沈如轉
丸惡木亦有陰西子亦有癡聞君建鼓角見君褫帶鞶
六橋間三竺到處容癡頑白鷗一烟波金馬雙門環向
非 聖主慈空夢西湖灣序君詩可行題君圖可看
浮生困六鑿畢世嗟莫殫一賊白玉盃一賊黃金鏹一

賊花面勾一賊珠喉媚復有兩賊徒毒手紛交攢是賊
不可殺要復不使干具此羅漢相嘻笑升蒲團放開大
肚皮生滅隨漚湍送君拓一盃婚嫁今苟完待我湖上
游並醉金波寒

深巷明朝賣杏花得天字

畫檐殘溜惱無眠
荳蔻春姿半化烟
種杏記逢沙畔路
折花想趁雨餘天
雲容碎浸銀華冷
風信勻調粉態妍
落翦笑堆筐麗數
分檐看逐巷獼猴
韶光未老宜圖筆
韻事雖多豈費錢
繞夢曉知蒼蘚潤
衝泥燕惜綠蕪鶯
開餅亂插思晴昊
對鏡忙簪感少年
好問牧童邨店酒

攬不起蚤一搖鞭

婿上海喬淦玉繩覆校

白華後稿卷之二十玖

南漚吳省欽沖之簋

男敬樞星宰校字
敬沐起元

古今體詩三

旃蒙大荒落

三月廿日廿一日

賜內直諸臣文房清具

臣省欽

得文竹都盛盤一香盤

三眼鏡一恭紀

九天黃帕下三天排日傳呼拜

賜駢卻費數番料

酌手 龍樓闕判畫簾前

黃竹平磨綴綴光濃謙妙製見何嘗果然四角中央好

不羨都籃面面裝

銅胎煎漆凝如膏
人入鏤成彩未韜
珍重三盤迴

蹕賞

時盤

山迴

上自夜來留貯餅香高

何限麻茶病待攻
一匡黻黷洞當空
似聞玉陛

重瞳語莫遣觀書墮霧中

題葛山先生觀海圖

學山期至山學海期至
海海於天地間於廓百川
漚甌閭枕負雄靈奧闕真
宰梁村九九峯端明泝文
禾家風習耕養士乃雜農
乃我公濟美宏志學忘劬
餒目笑九儒非骨挾九仙
在

挑燈坐蕭寺，呶嚅雞初鳴。豈不戀宵讀，海日升東瀛。海
以翕其量，日以曠其明。直波連大波，血色交飛騰。乾坤
入吞吐，豈止潛山精。有扇不敢麾，有琴不敢橫。獨立遠
人世，耳目屏紛營。持謝道流語，駕鶴騎長鯨。

讀書在弱冠，作圖垂五旬。圖成乞去我篇，復閱三十春。
眷懷釣游侶，無限桑田塵。幸逢聖明世，致身將乞

身。若海潤千里，迴瀾涵碧鄰。望洋固生歎，所貴沿其津。
宰相系唐表，道學師宋臣。

蔣石侍郎爲慕堂學士圖中峯五松偕扈盤山

時作

五松如五老隱節傲田疇水石陪三絕風雲護一游支
筇避神鬼卷練走龍虬借問中盤路京塵隔幾郵

潤物細無聲得無字

太平符十雨欹枕響棋餽祇辨聲沈漏從教氣潤酥濛
濛漸麥穎淦淦裏花鬚南陌雙犁趁西窻一檠俱流膏
看擬滑破塊聽嫌粗高屐衝泥未枯琴透漬無神功含
寂歷物理信昭蘇莫遣檐鳴溜求衣 聖念孚

葛山先生澄懷園二十友圖

五雲在霄漢舒卷多自如朝登闔風顛夕宿華林居沿
城映花竹兼有禽與魚有沼復有亭對宇八九區雖然

號公所不異私室廬前修脊退躅國器皆璠璣

宅心幾大醇我公典家學通籍五十年傑直事場推協
恭夙所敦道氣益堪貌俛仰懷同門河山半縣邈惟餘
晨夕人琴樽舉數數歸然魯殿尊爵齒德俱阜

三千領耆筵酬拜

聖人手三千領王廡講聽

聖人口阿閣翹歸昌凡鳥復何有幸承調燮心風俗契
誰某難爲遊門言信及樂山壽正襟攬儀容一心特朝
斗

爐烟添柳重得添字

苑柳非烟合爐薰吐隔簾一痕扶不起萬縷困還添影

帶因風颭絲輕和霧黏拈來濃朵朵籠去弱纖纖怯舞
人爭瘳貪眠客暫淹悠揚看有託郁烈定無嫌淑氣洪
鈞大韶芳衆妙兼 湛恩垂雨露朝罷醉雙柑

千章夏木清得潭字

木道榮初夏名園緩步探濃陰蒸靄靄清照播潭潭密
點蒼迷徑平捎綠漲嵐未風炎自掃不雨潤常含長養
年論百盤桓伏到三斷無人影出間去許鳥聲參悄展
將軍座閒停野老擔 上林嘉蔭滿還比玉壺涵

解帶量松長舊圍得圍字

王丞閉戶龍鱗老陶令歸田鶴語稀種手苔煩摩帶孔

吟身今與抱松園不徒布指參羸縮更把纏醫審瘠肥
離立影團青鳳繳敲眠痕蔽碧蘿幃付量現果思前度
檢校成規悟化機三市願留居士佩一條穩稱大夫衣
祥桑驟拱徵難信厄樹潛消計太非爲束躬修承

長養後彫才地苔春暉

雨敲松子落琴牀得敲字

朱弦黯淡牀初倚蒼粒離披雨漸交作勢驟兼山果落
尋聲錯訝院基敲連番側聽鏗相和隔陣微聞悄忽捎
乍整故斜窻趁打將飄又住徑紛殺彈來非曲猿悽嶺
點去難工鶴凍巢童子戲隨烟袂拾幽人笑檢露囊包

蕉心伴滴噎還寂桐乳偕傾淨不涓試枕寒濤眠獨軫
采花餌實老誅茅

畫蘭

畫葉要當風畫花欲垂露迢然見國香清酒足佳趣忽
悟了頭皴補入六書故

梅竹畫扇

撇非撇圈非圈圈就恠蓬鬆撇成託菌蠢蛟脊骨立鸞
尾拙役使元氣風日雷一節欲指百千尺一枝加繞三
十栽吾鄉梅竹擁籬舍春筍冰花土同價李昭扇紙爲
招來肯遣庾塵蔽空下侑華酌調素琴落手笑搯雙瓊

珠挺生早挾雲霄勢放點長留天地心

題扇頭貼絨梅竹

翠袖春寒薄招要綠萼華一枝交一翦搖影碧窗紗

端陽小景

昌陽能引年靈艾能療病桑甚如棗長可革飛鴉性文
杏與荆桃不過備時令須知調變心觀物靜如鏡南風
吹滿林行處寄陶詠掃盡落墨痕萬象入妍靚天中節
旣佳中天境尤勝悠然參妙明補寫綠荷柄

到門不敢題凡鳥得凡字

門前長者車容到屋裏幽人格出凡投刺漫教驚剝啄

抽毫聊與任封緘
冥鴻羅網蹤先避
斥鷃搶榆謗莫儼
一徑窺園通竹館
十年閉戶傍松巖
棲遲豈羨飛鳴遠
游息何勞倚望咸
求友嚶喬徒繾綣
留賓雞黍少詒誦
非熊把釣家聲著
衰鳳成歌世法芟
爲謝推敲題句好
不將鶴詔換鴉籠

城外青山如屋裏得山字

爲道山邊容結屋
豈知屋裏竟藏山
數峯青峭城空繞
四壁蕭寥駕未還
藹藹入簾平拱笏
盈盈當牖皎拖鬟
琴書潤帶烟霞重
杖履清陪水石閒
真境祇疑在呼吸
俗緣那信付躋扳
鄰園鶴友雲留棟
僧院猿投月照關

車馬懶通朝市跡松篁雅識隱居顏
輞川詩畫傳雙絕
一幃誰摹挂此間

鐵馬和韻

寸馬排檐語蕭蕭響不禁盪摩風自力
輾轉石何心勁
挾鳴秋氣忙催破陣音和平還可聽攬耳
感華簪

鎮心爪

夏課心焚甚涼堂臥抱瓜團圞看落手
清脆遲磨牙喚
賣魁園蓴酣浮及井華半環肥待剖一面
妥當宸脾沁
全消熱神凝倍滌邪不勞漿挹柘爲洗緒
紛麻記事珠
含彩生津玉掩瑕丹田留鎮後書帶繞君
家

深樹馬迎嘶得嘶字

古道深深樹長塗得得驪碧痕涼潑水練影倦衝泥爲
憶摩奇癢旋聞發遠嘶蕭蕭吟續斷恰恰語高低勢似
呼羣奮情兼戀主悽負才非跡地辨響是沙漸健憤行
相驟哀蟬韻共迷投林便斲草聲價待重題

送葛山中堂歸漳浦恭依

御製詩韻

賢良三對起元年遇

主身名閭九遷學滂師儒

謂父

勤隆一三班踰保傳領三天守身蚤信完圭璧投老寧
關戀石泉吹徧春風東閣暝花邊聽講起陶然

幾度來朝幾度歸雍容蒲藻慶魚依調梅雖晚功先就
嗽荔將闌暑幸微擁傳還鄉行較利克期躋

壽遇

尤稀

命以八旬慶典來京

西山理學傳家舊宰輔同編史筆非

渭厓學士夢溪讀書圖

歐公謫夷陵偶謁黃陵廟峽山極奇危屐齒記曾到迎
人一石馬缺耳狀尤肖始悟宜嶽靈萬事能逆料夢溪
隸曲阿水木湛壺嶠遠峯三四重顧影弄青梢沈郎茲
謫居亦似赴前約遣日成筆談祕文愜提要筆傳溪並
傳依託類松蔦其鄉生後賢蚤歲理游釣服官垂五旬
細故得平調適思薦蓴鱸遂擬守蓬藿寫真表魁梧補

景接窗窳篋衍踰周星 賜園接清猷開圖辱先示詫
未改頰笑所由邱壑尊更被光華照方春與耆筵杖几
拜承 詔飲嗽過中人供奉領諸少乞湖期尙遙買山
隱須譙無夢無覺間脈望互盤繞試看括地書書併那
輕掉

學士將寫
丹陽縣志

一紙如借觀拍案恣狂叫

鵬搖背指菊花開得搖字

岸上籬英水上橈轉頭相送背相招來偕橘柚黃翻影
去逐萍蓬白趁潮有物移人情養養無言與我契寥寥
他時昌雨尋難定此處停餐采倍遙動竅亂傳聲欵乃
壓檐漫感鬢飄蕭幾枝綽約風還颭三徑蒼涼夢漸消

過眼雲烟隨顧散關心節候類旌搖孤舟叢菊哀遲甚
賓幕蓮花羨汝遭

直到花間始見人得閒字

迎花面面花含笑翻訝幽人識面難耽隱不曾閒種手
破禪從此欲薰顏衣沾露萼遲扳折帽颭風枝礙往還
回看竹光濃似染武陵溪在綠雲間

一月得四十五日得工字

緯耒農閒務支機婦獻功日縑程匹半晷線候昏中筭
起三分益圖乘五位崇連宵絲軋杼向曙布披笏月計
來先復旬要得倍豐壁輝嚴異照巷績準同工虛牖霜

侵白深篝火逗紅爲聞文史用塾課藝兼通

淪漣晚汎圖

玉泉泉跳珠涌出斛計萬潭潭費醺剔淘灘更作堰演
迤渟一泓求漸不求頓於焉闕爲湖湖上夾仙觀西園
介苑西瑤流漾沙岸恠石瘳透供老木龍葱冠有時楊
柳風灑灑到書案雜以菡萏香作陣裊波面小波淪大
波羣動激洄漩了無鷺影猜惟有漁歌喚是宜曳袂來
涼氣夕霞半呼童掉短篷卽此游汗漫將行猶未行宴
坐納明倩何必絲與竹焉用拂兼扇悠悠風乎志混混
水哉歎我從易象占風水義取渙自然成至文五色陋

組線舟楫濟不通偉畧寄宏願二者可得兼餘事託豪
翰彼哉伐檀詩夫豈直一桀伊余瓠落材不繫心所羨
系隨飛蓋游嘉命侍公譙撫繪閣十年披豁欣一旦竊
擬學堯民橫槎貫河漢

修竹成陰手自栽得陰字

幾度遙瞻幾度吟一栽一墜歲侵尋江邨歷歷虛前路
里館翛翛下薄陰竦削儘憐搖瘳影平安曾與送芳音
苔連屐印封難辨草隔簾波掃不禁富室待償分畝計
貧家忍負過牆心移從上番纔開徑聯作新盟蚤入林
物豈無情人甚遠樹猶如此我何任天寒日暮增悵悵

手把成虧託素琴

題繆秋坪峴山春曉圖照

一官襄水曲千古峴山碑高岸雖無改浮生總有涯簿
書程日後花柳向春時選坐盤陀石風流今在茲

班春春晚晚萬綠間千紅人影襟裾淡禽言耜耜融楚
雲姿不定越客吟去偏工夢逐習池醉高風耆舊同

顯微鏡

洪纖懸賦質髮黷迸奇輝珠斗日中戴玉壺天際圍宵
衣方養晦張王忽通微毫末輿薪喻吾徒目笑非

堦上海喬洽玉繩覆枝

白華後稿卷之三十

南滙吳省欽沖之簪

男敬樞星宰
敬沐起元校字

古今體詩四

小陽春

四孟月惟冬孟短陰窮陽伏氣含淳中天日近暄常負
大地風來凍未皴獲稻願爲堂上壽折梅何必嶺頭人
太平民物登臺早難和當場郢曲新

鳥獸毛毳得毛字

禦寒稽物性巢窟滿神皋早斂鮮華質因添冗散毛毳
深聯腹背茸膩帶脂膏維羽緝難析爲鬚結自操披如

鋪罽毼吹或辨釐毫煦嫗天心見嚴凝月令叨驚禽休
漸穩獵騎去爭豪正值司裘獻
溫言法陞高

亦在車下得車字

室處安幽俗還轅首路紆跡隨風梗轉夢繞月輪虛幸
託高軒庀如聯下宇居輓推纔鹿鹿舍次亦魚魚輦互
占同柅穹圍覆異廬攸腓人偏側有棧馬赳赳倚枕戈
斯偃傳更析漸疎我征感桑寄獨寤遲將車

穆如清風得清字

雅材雄百五祖餞播風聲爲指汝
決國旁持穆穆衡載
颺原有體肆好豈無情灑去塵懷豁披時善氣迎影涵

雙袞靜纏泥入鸞平早遣睽悵散遙宜與命行律諧生
嶽美掇阿房霜清若效陳詩職歸號四牡輕

羊陸石

石質如水晶橫側視之五色不定滇中以是
入貢 頒入 成邸詒晉齋中作此應
教

兩螭蟠五雲朵朵落瑤席十輝闕臃腫五采眩絡繹問
價輕錯刀製器重界尺中萬知所裁挈組服無數程能
爲鎮紙用物在抉石匠斲滋驚疑土貢經棄擇云從驃
甸遷坐使猫睛斥睥睨介凸凹睥睨變闔闔勻調子驚

黃濃抹女羸碧鱗鱗魚尾頰嚮嚮烏頭白綠沈槍委苜
丹塗筆勒帛三入三出然一睽一暘亦反復鮮故常延
俄富新獲瑠璃爭妙明瑪瑙遜溫澤得非舍利根豈止
伏靈魄金沙借輝光寶井委絡脈鍊信有媯遺產笑維
青籍羊目珠可探羊脂玉可積肇名雖未嘉相視定莫
逆文具證屠箋惟共薄歐蹟 尙方陪元泓遠徼冠齒
革雷回縈古身之而作奇格幸免繆篆鏐早受平耶益
綈襲石不言胡僧眼芒射

歲寒松柏得知字

貞幹忘年紀非寒世孰知九冬摧地產一物荷天慈雪

亞龍鱗作風鰲鳳羽披靈根惟養晦雅節特逢時身葉
超羣木精華鬱古姿不爭禮艷景如赴沍陰期菊斂離
東色梅捎嶺北枝棟梁春殿美材貢詔官司

敲冰紙得敲字

看山宜入剡紙確響溪切澤腹占雖壯澄心製可教用
隨幽令鑿法授蔡侯敲迹埽霜苔淨紋橫水藻交妙明
涵色相精整蘊胚胞質抵碰漿潤名兼側理滑手皺應
購藥口棘試傳鈔一片冰壺在元與賦漫嘲

次韻門神二首一嘲一解

春星臨萬戶何物橈新翻雅帶餉塗性偏窺詖蕩門過

年頻炫寵通籍便當尊貌媿丹青引形誇土木存打頭

忘局促屈膝

屈膝通屈戌

示安敦任倚乾專闕占符良司

入

闕趨起人避勢漫滅客銜恩餓死隨臣朔初生昌帝軒
畧知容觀習早耐應醺煩默息晨施笏陰森夜執鞭笑
迎纓款款怒叱旋去賁賁神類庚申守官非戊己屯犬
獐陪伏闕雞鬧伴升墩餘勇矜排闥爲機戒觸藩竈公
應遜長厠鬼或聯昆未絕倉根響還交了鳥痕顏開將
子樂目眯識丁寃剝啄羈芳訊祈禳慰餒魂頭銜空自
記爪跡總難論撲地嚴司鑰瞻天隱戴盆牙旂搖寂寞
鐵限走譁喧枝拄曾無用嚙胡若有言幸區前後向叨

直短長番不籍勲

勲閭也見漢書注

光祿分曹亦趁暄

九閭宏四始翦勝綵翩翩旒冕森排仗衣冠儼應門閭
吳圖畫擅茶壘姓名尊竹爆聽斯震菱繩製尙存萬家
同歲改五祀先秋敦漏靜魚交鑰更殘虎伴闌每專黃
鉞枋豈止緣袍恩在闔儀偏肅當關勢欲軒送迎非所
慣簡閱不辭煩寶帶犀雙胯雕弓豹兩韃形模見伊呂
威力過飛賁嗔喜雖殊格東西競列屯浮光名鬼潛白日
麗景名門耀紅曦肖象如懸閣書勲似啓藩筦鍵勤奉主
閭闔裕垂昆披拂銀幡影鏐鑣綺翼痕終葵慙貌醜如
願怯情寬戶牖驚真氣壇墠他干切薦爽魂教因神道設

賞爲武功論餞臘徠雞榼偷春竚燕盆登龍珠屐繞題
鳳玉珂喧創岬文常秩誰何職願言桃符陪式序瓜戍
侯更番莫道儕胞翟延暉抵日暄

柔兆敦牂

蓉塘宮贊鑑曲垂竿圖照

河鰕淀蟹熟論錢堆市冰魚味失鮮省識乘船勝騎馬
浮家須傍鏡湖邊

柏葉微紅柵葉黃艣聲不動雁聲長半牀經卷隨身好
沾透蘋花一道香

天隨釣具太紛拏只辨

蒲葦

長竿籊籊孤分付紅蜻蜓

立久主人垂手鎮跼蹐

細鱗巨口酒痕濃
遲我名銜署澤農
爲勸蓬池圖斫鱸
一漁翁合讓吳儂

張若州聽泉圖

幽人憚世喧聞根久云廢
偶然選石林宴坐埽苔翳孤
懷拂高雲衣裏撲寒翠
空山集衆響清泉一何細
囂者忘耳謀靜者懷心會
非聞非寂問俛仰寓身世
維聰聽既虛有本稱斯亟
揮手謝絲桐冲期信遙衷

張子畏觀察秋山歸騎遺照爲令子景運賦

釣龍臺切漢詔許拂衣還
曲磴辭灘險新霜點樹斑

興歌五嶠路鄉夢九河灣太息歸兜率承家計亦艱

壽雪副憲拜內閣學士之命奉次紀恩詩

元韻

副相遷除自北扉一門掌故

四朝稀聯班踽踖

凝霜令

儀衛為九班他院寺附之內閣不在班數請

寶雍容帶口暉

五鼓上錄出宮門閣學於金榜未輪園

簇杏青趙須戀省栽薇

開學少時探籤于正陽門闕廟有天須還汝舊青趙之句至是

始驗張氏官巢痕阿閣無新舊試倚水簾譜玉徽

賜鄭宅茶詩次韻

新焙閩綱達

禁林囊囊分布綠槐陰種連帶草名先

與出伴闌櫻遇更深玉露輕芽教落手丹泥短銚試穿
心吳中作瓦銚穴其中以透侍臣好鮮相如渴絕勝堯
羹百和斟

書肖濂所寄金壺字攷

天藥閣下雪花麤鸛鶴當筵舞六銖曾醉周郎第三爵
淋漓墨汁點金壺天藥閣湖北學使署二堂閣也

新義紛綸小學拋禪門識字鮮推敲一編寄我添惆悵
誰向元亭載酒肴

程孝廉瑤田說劍圖程有桃氏爲劍攷

縱橫說劍篇吾愛漆園子短衣曼胡纓動掣賊神鬼鋒

鐔脊鐔夾猶人具五體雖與考工殊未雅堪擬先生
范六經蓋疏及桃氏謂古銅爲兵五兵備蘭錡以防檢
其常劍也用斯倚重輕規兩鋒長短論尺咫臘廣二寸
半鄭謂兩刃是豈知橫庚庚一片特平砥其下圍以莖
纏繩把掌指莖以頸釋名臘以蠶徵旨二物相附麗集
益等唇齒莖後稍殺焉有孔黍容累是曰鼻曰環亦曰
鐔曰耳劍身故挺然剌剌霜鋒起有鐔淬兩旁兩刃背
兩已有脊中隆隆脊盡臘見矣古劍今間存光怪現綈
几先生見其七如辨九穀米程有九穀攷一日三摩挲作圖
說盈紙竭來鄂王城晉佩璲如彼隱隱黃蛇蟠黯黯黑

蛟死疎桐修竹間坐對輒移晷每懷服猛才幸遇好奇
士劍術古已亡劍制今不毀請看射斗光窺圖口空哆

程孝廉

瑤田

臨董文敏書御書樓記

文敏爲王文肅御書樓記手寫數通孝廉見
三本臨二本臨書之明年聞舉一孫以此卷
寄之程字易田其座主曹宗伯題款誤爲易
疇程因號益壽童子葺翁者程四十時所自
號

程葺翁乃非翁益壽童亦非童翁時四十童六十童舉
童孫客闌集晬盤待試黃金印羈館先開白藤笈網笈

羅羅墨波灑六草三真墓不厭誰作書董華亭誰作樓
尚璽丞樓孰藏定陵札札孰商東宮闈綺里終令鴻鵠
飛鄴侯雖就神仙活容臺文筆多應醺此記能與星日
留人間真蹟賸幾本羨君手眼經三偷青猿聳臂悄攜
去分付小同仿禮注

德清徐孝子

景韓

晨窓舐目圖

目者心之官身者親之支支茂本或傷無計求國鑒豈
如日月光食罷輪重輝我生廿載前有里名麻溪氏徐
諱師愈色養心愉怡少爲世父後長爲童子師距家十
餘里晨往暮必歸抗顏事口講堅冰常在髭而何倚閭

眼積漸凝昏眇始猶塵掩鏡繼乃萍翳池闕時告盲塞
俛俛何所之親目一望窮兒目雙淚棲私幸舌尚存日
舐涎交頤吐此青蓮花埽盡羊溝泥重重退浮膜勝刮
黃金鑊稟氣異所生格幽同所期風聲播州黨快睹爭
睽睽古來孝義傳史冊芳名垂盛彥與張元母祖曾患
斯或以然七燈或以吞寸鱗雨霽均洞開上荷皇天慈
其餘舐使明謂可人力爲自宋李虛已如鳳如瑞芝孝
子有孝子恐被金管遺夜寢不交睫紛乞時賢詩視我
國與鄉監我神與示請放大光明子職供勿虧

晴瀾太守小照四首

林凝香雪

凍雲釀遙空掩映萬重雪
雪寒香更寒愛此花時節
支頤茅徑間忘言悟禪說

雨漲遙岑

青峭堆數峯誰鼓墨池浪
一雨渾無涯迷濛失晴望
呼童酌新水洗我馬塵漲

竹墅吟秋

桐葉落不盡竹風搖洒然
秋士悄多感一吟如獨弦
吟成坐良夜四壁蟲聲連

海天浴日

海色太昏黑且登城上樓海斐逞神詭手挂黃金毬欲
拗搏桑枝試問談天騶

次韻荅馮考功時以宋史詳節督序

直院五輒影行省五花判我誠愚公愚君學漫郎漫頂
來自西江枯鮒柳枝貫留得清白聲口傳手揮翰鳳皇
巢梧桐名材不終爨薄譴情特原要職 命重煥要使
滑渙奸一批根斷仕優學並優令我媿生汗我生鈍
如鎚談藝未弱冠爲營席研謀妄效牙版按後迺悟其
非去道遠無筭南轅州宅交北轍海指瀚輒苗矜脫窠
搯擗謝堆案卽以詞章論卒等文雉竄祇緣經訓疎客

氣中柔腕讀書過眼忘枉睹珠玉璨說理出口乖焉得
醍醐灌在詩初盛唐在文前後漢派別自吾鄉刻責可
從追彼故艾天傭性隱漸消散棄粕釀菁華凡骨庶同
換然而索米來陵雜記葱蒜抱此瓊珞懷夜行矢求旦
當其甘苦嘗見道稍冰渙尋山粗問塗涉海偶測岸強
勉事疏刊間辱羣公贊所懼試體荒一旦塵蹢絆一官
改飽卿兒背弓膠幹公然就雅裁母乃太狂狎君於炎
宋朝史筆縱激彈首尾截勢絲輕重懸土炭夫豈寄鷗
鷗有若鳴鵙鳴辭簡事較覈證據矯周鍛故應便家塾
盍亟懸市開俛幸剔枯朽剔餘勘曼漉想從退食餘研

攷軌忘肝有繆疇勿糾有污疇勿盟以我義例皆無力
奉挾扞寸管涇塲爬赤蹠墜破爛著穢向佛頭見者議
薪粲而何論古才相許則東觀墨守賣舊癡列發厲新
俛炳燭光熹微去日坐淒惋假年讀是編再學老吏斷
乘韋犒用先息壤監下此因君提唱宏理弦起三歎

帶雨不成花二律次韻

逐陣消磨逐陣添非花非絮更非鹽乍凝漸釋愁難埽
旣落猶開笑漫拈密蕊倦縈詩老轡希聲忙點酒人帘
天山萬里鷺毛白那似梁園趁影纖

幾度平看隔霧中玉樓粟起凍旋融三英欲拂痕先殢

六出雖裁術未工餘潤故應霑麥隴清光何止裊蕉叢
騁妍多少生花管聽到陽春屬和空

堦上海喬注玉繩覆枝

白華後稿卷之三十一

南滙吳省欽沖之簪

男敬樞星宰校字

古今體詩五

強園協洽

人日和竹軒司馬韻

去年今日遠懷人
雁後追陪閣數旬
綵勝銀幡留此會
碧雞金馬問何神
爲逢國忌行香故
早見天心卜卦
新旦晚玉河橋畔
望東風吹凍起漣淪

廣餞竹虛司農次竹軒韻

蒼龍返馭歲
祈年好趁燒燈令
節前人繞南陔宣雅

奏客陪東閣預華筵貴游詆蕩行隨步祿養尊榮孰比
肩願得醪醕一醖庭闈歸轡路芊緜

皇六子手書臨帖二詩見示謹次元韻

會煩給札侍書窻十指如槌信手撞天上三希珍待
聘雲間一派壘爭降縱橫自我追真蹟姿媚何人趁俗
腔分付重臺勤檢校短簾風燭影幢幢

六草三真拓鎖窻如鐘鳴大小紛撞鉤填祕訣心源沂
跳卧雄風腕力降好學競傳緣有福多師還笑曲無腔
驪珠親捧矜雙絕頻首長教折慢幢

垂雲助麥涼次韻

由來麥性殊蠶性愛趁涼時畏煥時課雨定收三月效
農諺麥收 瞻雲低覆一畦滋碧油淊淊陰初壓白浪漸
三月雨 漸沫未吹有鳥翦風敲繡翅何人帶露荷櫻皮莫言苗
長非關助若待芒抽也自垂鰲鬚四圍明玉葉菜鋪十
斛重金龜槐街弄影韶華淺藥砌蒸香氣候遲合遣登
場報薰信化蛾無數栩雙眉

一樹碧無情次韻

抱葉蟬棲迢邽選一株曳來清切否遮到碧寥無了
蟬託迹風聲起流音月令敷如綏驚鬢改似磬待心摹
聲巴蟬聲似 欲附依依柳曾捎歷歷榆哀纏齊女怨汙蛻
磬白詩

澤仙癯孤枕人欹畫長鞭客趁塗玉溪情不盡留倚畫
裴廝

雨後步庭前見盆桂初放次韻

招搖產佳木厥根蟠月諸厥性頗畏寒包致南船初一
雨吐數花芬烈如史籀得地依小山窺溜相滙潄以之
點周易滴露研玉蜍何當乞桂管播麥勤新畬

蟹輪芒次韻

一穗垂芒綻箝螯仄向東沙危爬處白粒賤啄餘紅逐
逐銜芹似勞勞納粘同獻新甘涉水報熟競從風扶寸
雖嫌短成堆或禦窮縛蒲隨幾輩食稅長諸蟲蓼岸披

圖肖徐熙有夢松陵述譜工鴻天鄉味美稻蟹美邨翁

塘蟹圖

秋燕次韻

纔過來時又去時呢喃絮語聽全非杏梁未改將辭宿
珠箔雖開已倦飛風度飄蕭燕國去心情冷落定姜歸
社翁春酒遙相待海角天涯爾暫依

韓詩燕燕
定姜作

夜枕

一燈殘穗綴茸茸欹枕無緣乞治聾幾陣打窗鳴淅淅
不知是雨是西風

一月三捷次韻

天保揚休四國覃朱薇治外肄同諧軍聲遠播前中後

捷告連馳一再三直向太原喧逐北豈徒江漢耀征南
洗兵雨過占旬準傳檄風生失信甘經朔望餘衝盡折
與方召輩亂爭戮大凡好向官成計周禮治凡注偕作
多由士氣堪倚馬才供磨盾草挈壺氏罷刺閨探鯨波
不動樓船下轉歎么麼負海涵

香亭少司馬鼓山觀海圖照

風行水成文惟海大爲最無風文亦成庶比聖言大閩
學盛考亭儒流豁茫昧使者視學來文物此都會鼓山
視旗山氣象開十倍遂出行春門曉樹滴秋瀦坡石犂
确開一舍未勞憊循麓至其顛芳塼壓羣輩天風翻海

濤響奪雷門廢欲挾大小峯浮作杯中芥坐定神稍閑
振衣散雙髻回首詔諸郎文體超八代烟雲供盪摩日
月沐光恠抗顏詔諸生道體接一派學川當至海學山
當至岱忽思橫海軍發自句章外日歸待洗兵斬疆偃
旌旆時臺氛垂靖何似十洲仙雍容在襟帶

著雍沼灘

正月十八日集丙子同年竹軒侍郎疊丁未廣

譙韻見示奉和二首

落燈風較試燈妍細數歸朝及五年結習漸離文史
陋策名終遜鼎鐘堅吟陪甲觀期難克坐飮辛盤力信

蘇好趁餘閒作

去

燕九明朝誰上白雲前

唐花越酒迴爭妍庾節重持此一年檢校同班中雜外

商量後會老還堅鰲山壓雪頭仍掉鳶紙呼風羽太繇

嗟我與君皆丙子

坡

釀錢再醉百花前

時以二月十三日重相釀會爲

訂唐以二月
望爲花朝

詠硯屏次三講全韻

屏山枕硯池似孫箋失講搜者學挺身偃者肖折項墨
螭蟠萬重面目太儻儻茲屏攔截之其價薄鏐珣的然
眼暈鸚鵡被文含蚌有時迴隙光斜月逗秋港自我涇
塗鴉三歲判筒鉅蟾蜍滴幽淚台喫百頓棒焚笑君苗

癡畫對樂天，忤畫紙作春畦。捉筆替宵耜，舒屏旋卷屏。
逝把端溪耩。

二月除日，戟門司農招集桃園，阻雨未赴，次定
圃師韻同惠三少宰作

平臺枕水淨無塵，纈眼繁英近暮春。莫把元都千樹比，
種花人是賦梅人。

卷簾微雨潤芳樽，課問紛傳郭外邨。想象一痕添漲暝，
六街今日有花源。

檀槽響隔晚雲深，孤負衝筵玳瑁簪。爲約聯鑣逐，
清蹕萬紅如海襖游心。

蕨塘春泛二牖

楊柳綠梳風桃花紅罨雨一灣復一灣
黃緣遇漁父詵客來何方一昨出城府
淺水劣半篙破船缺六柱牽以蹇足驢
不見白鷗鷺惟餘蘆荻叢抑塞似豐蔀
夾山碧浪間塵俗那如許客行應且憎
科頭躡芒屨東華擁輪蹕排日候官鼓
投槽羨疲馬投林思勁羽趁此休沐期
清興發栩栩驅車抵便門已遠天尺五
卽今尺五流源在玉泉吐迤演達萬泉
脈絡滙交午雲帆卸潞河轉粟到倉庾
偉哉疏導功蓄洩利斯溥百貨便往來
十成足生聚夫豈爲狂游尋春載酒脯
然而游者多於水謂有

取飄飄信所如肩背孰堪拊或泊金粟堆或橫青楊塢
舟迴一水香好夢落江滸

楊忠愍公獄中所植榆苗後復榮

椒山先生開口椒風吹枷鎖香不消小雞次骨事周納
那識鳳凰鳴陽鼉纒尸東市禍斯酷難遣閭閻百身贖
舊社蒼茫翳北河新枝輒茁移南獄臯陶之祭年復年
親鑿園土收榆錢星精夜落福堂闕何草指佞羅階前
直臣一死閱人代批折龍鱗此風槩質幹雖從冰霰彫
根芽豈受神明劾枯楊生稊元象參回飈撼樹韶奏酣
摩挲手澤繞魂氣披髮歸去松筠庵

庵在順城門爲公故邸數年前修治

奉栗
主

榆莢雨得青字

何物濡垂莢霏甘早夏經種成榆歷歷飛下雨冥冥候
判花繁豆名符草秀莫社迷人屐緩塞香客車停作糝
寒沈碧排錢古澀青衝泥誰取火隔霧尙占星紫棟催
風準黃梅迂節靈北山歌樂只拜澤自形廷

棲鳳難爲條得年字

百尺維條聳亭亭翮羽偏鳴和常協節棲迴獨求綠碧
落迴翔後丹曦照耀先瞻林依苑特得樹選高堅翼戢
苞含九機忘仞息千將雛甘久處何鳥學新遷懇款班

荆日蹉跎蠟鳳年巢痕希再埽拜手聽
虞絃

螢火不溫風得溫字

如火因風起爲螢驗宿根熹微光蘊晦蒸灼候乘溫簇
影涼招夜涵暉熱避暄星流疑遠岸春曉記荒原兜去
憑歌扇飄來到舞旂車囊心易折盧賦舌難捫露蛻無
塵擬陽冰不治論炎官停轡後內照坐忘喧

時帆學士蒲團晏坐圖

芳辰藹園林萬象燦華飾戒心參定心晏坐契元默桃
李旣以花松竹亦以實盎然生者機豈復類古德文人
多慧業行處任消息揮塵慰寂寥禪理亦儒職東觀披

妙香西天衣襲色心境當兩忘太素葆虛謐願持精進
幢竝照光明域

壽雪閣學扈從校射蒙

賜雀翎紀恩和韻

相門公子貴奮武效期門紫塞弓揮勁彤墀玉峙溫參
連希應節壹發勉承恩南國留冠冕如綸仰

聖言

爲貴追師掌言褒保氏能千金裝翠管三采暈朱繩耀
首

龍鸞壯盟心羽軸兢摯巾慙往日徒有戴盆勝

初冬侍 皇十一子校試武場以張尙書照十

九歲時所書金人銘換乞妙蹟辱題張幅首

見示詞旨抑然並書是銘見貽謹賦三十二

韻

把筆如挽強落筆如破的連朝觀射來射格乃書格自
憾肥詞資不中餓隸役霜雪皓盈顛孤負毛錐續右軍
三十三解作蘭亭蹟大令握管初背後掣未得遑茲書
聖人夫豈藉人力卽如雲間派二沈壯碑刻後來乙卯
生贗器充棟極董思翁生乙卯嘗自署乙卯生天瓶偉代興十九遂對
策是爲己丑年院體曰親炙那知心手眼早與龍象敵

試觀此銘字珠顆粲盈百 齋主評鑒公曩忝侍帷席
爲言三文敏鼎足峙歷歷譬諸三佛門智仁勇大適惟
於九宮法稍稍量寬窄後賢讓前賢未免一塵隔憶臨
東庫本尙遲蒼珉勒石需韓馬償璧擬許田易亮哉磨
甍堅陳義數孔籍準乞寫一通潤筆例推昔舊銘換新
銘也抵白鵝隻深恐應且憎末由拜鉤畫枉題三五行
溫藉若勿克載捧尺幅書光彩爛蓬壁驕心與吝心愧
悔妄揣測發願重鑄金依約仿波磔俾通小學津漸進
大成域文武萬邦憲德藝一身則下馬草露布上馬便
殺賊寄語嬰相徒似此信霹靂

皇六子臨淳化軒閣帖十卷命題九言二十韻

周官保氏六藝書次四籀篆而下筆力誰通神廓填影
撫下真蹟一等昇元建業亦作文房珍宋淳化間內府
祕儲蓄俾重鑒刻棗木櫃烏銀侍書臣著攻書尙姿媚
成十卷帖太歲當壬辰爾時位登二府始與賜板藏御
院劫火迴焚輪大觀太清修內司諸本下逮潭板絳板
爭斷斷畢士安本丁甲競撫護照耀石渠天祿森

王宸考文考事深考並義例疇咨釐訂世代君若臣綴
集漢章帝字蠟微禹踏駁似此何以光貞珉諸臣奉

詔稽首謹排審釋文刊誤一一航迷津米元章黃長廬

許崧老彼哉寸莛撞洪鐘萬鈞以治經治史法治官帖
天子聖哲羣下胥稟遵遂選伏靈芝暨章簡父雙鉤上
石苗髮無隔塵 龍樓拜捧什襲等球璧細旃廣廈朕
沫忘劬辛譬之論文無一字杜撰於古能取能舍醇乎
醇心摹手追閱十數寒暑張懷瓘見估值皆千緡特攜
唐紙李墨懽消夏徧臨一通如星周一巡義贗五鯖醲
郁味含雋琴調百衲淡泊音還淳蘭亭聚訟閣帖亦云
爾走也快睹茲星雲鳳曆伏思心正筆正納嘉告游藝
志道據德依於仁

十月旣望題璞函兩舍授詩遣照時在京闕至

公堂監臨武士冗次拉雜不知所云也

我家海東頭沙鶴負秋唳直北三舍間護塘聳隆嵒一
團抵九圍民竈互連綴梅枝嶺賽庾竹田邱壓薊飢芻
烏牯眠出網黃魚掣冬春流匙滑春隴塌窠脆大半栽
木縣糴米應官稅百口抄族居一邨競社祭說經每磴
礮論文亦細細昔我占得朋正士秋闈計或邀秣陵飯
或挾爪步濟杖竝猢猻扳裘共鸛鷄貫吟骨爭臞仙書
手訝餓隸嗣逢校試場相見輒談藝我奏長楊篇君拚
蓼莪涕款君通德門宛轉挹環袂壬午 三巡南花
門斂狂獬獻伎隨 屬車引繩跂天際賦手能摩空一

笑取高第

君試回人繩
伎賦入中書

膝前舞勺兒徘徊綰雙髻未停

佔畢聲頗具縱橫氣俾圖授詩圖那肯拾餘慧挈上渡
頭船時也改新歲予亦攜累行雨漿趁溶潏聯句坡筆
札賣文炫金幣相於五六年何意值顛蹶草檄磨龍盾
杖戈檢狸製會我還自黔執手在淇厲從此古顏色梁
月照微睇滇徼君梗飄蜀川我匏繫熒熒蚩尤旗不埽
蓬婆暄哭君黎雅邊有物歎而逝空勞大夫招竟在右
軍誓遯哉無衣詩肺腑矢銘鏤名昌詩更昌焉用牖下
斃試入昭忠祠繞獵雲旗曳試升嬋雅堂傳購雞林繼
諸子頭角崢嶸德芬沐先世孰橫上舍經孰履中禁砌祇

今受詩人作牧擁葆翳登高望桃關芭舞庶勿替風諭
忠孝途要使日星麗聞君經笥充六義二毛諦熟爛稽
古編一往決留滯身後獻石渠祕本待刊劒國初吳江陳氏源發
撰毛詩稽古編君抄習條貫既歿其家上之四庫館往我抄一通私恨隔表啜折
茲朱雲鹿刺彼轅固鉏安得地下人決起舌爲傲海雲
影漫漫海潮響淅淅老屋堪抱經何苦驚輦輓

題蘭舟通議寫真

秋懷何澹沲秋景亦岑寂眷我素心人獨往忘去榮戚
開軒手一編徑謝車馬客古桐翠尚流甘蕉綠初坼露
葵爾何心戎戎媚朝覲雖非廊廟材豈遜邱園迹憶辭

蓬藿來鄉夢漸疎
逖披襟坐石沾萬念起
磯激幸此風日佳
俛仰運同適安得社酒傾聽琴洗箏笛通議耳疾未愈

大風歌書後

宛轉虞兮曲斷腸
拔山蓋世氣銷亡如何沛里風雲會也自高歌泣數行

金可亭司空早朝圖

聖主宵衣問寒鐘
報曙先百寮猶徙倚一老特精專印綬星辰上蓬壺
日月邊鷗冠昂矯首貂帳穩差肩門鑰戔戔啓車幃
整整舉爲羈金絡索早賜玉連錢臺閣摩霄近牖垣夾道旋霜華
團禁樹冰彩瑩吟鞭雙引籠

宮燭孤卿侍

御筵蹟儕翁六一

恩冠叟三千

館局提綱重工司領職虔十行目齊下三接膝頻前會
見隄沙築遙聽橐履傳臣勞惟夙夜

帝眷是親賢福並才如海仙長日似年松心儀嬰鑠鶴
算態蹢躅退直孫曾侯從遊貴近緣郎君都榮戟我輩
祇花甌灑落驂駟路飛騰鸛鶴天秬侯瞻禮處指點是
凌烟

筠心茶墨間

明王百穀爲筠心之先題金閭書室曰茶墨
間翁覃谿以題筠心京寓

嗜茶取其新嗜墨取其陳墨色取其黑茶色取其白墨
瘳茶特腴墨精茶或麤有墨毀亦得有茶磨不極相反
冰炭如豈必兼熊魚先生褚師喬善吟復善醉吟成半
劑調醉醒七盃澆試茶竹爐買幾陣沸魚蟹試墨絲硯
挈幾幅蟠龍蛇茶香有時歇墨香有時滅吳門遺敝廬
金門安索居蝨其間者我坐忘客亦可

書武功張洲所撰崇慶牧常黼廷紀昔嶺殉節

錄後

泔泔雅雨帶黎風鎖院當年報警同芒射旄頭橫嶺上
魂乘鶴背返遼東鳴琴跌宕傳儒治膏刃倉皇作鬼雄

爲道遺孤今授室身披命服拜昭忠

徐通守

觀海

南昌運漕米來京以圓桌見遺

家具添來抵百朋豫章材大曲從繩周旋差愛規能中
愜當誰同几可憑幾度匠成隨摺疊一般世法信模稜
團頭小聚傾卮酒牛磨游蹤感不勝

璿上海喬淦玉繩覆校